



Ikamva-Ukunonophela
abantwana bethu

IsiKolo seCawa sabaNcinane

Isihloko sesifundo: Izilumko ezivela eMpuma

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisiKolo seCawa sabaNcinane esith “**Izilumko ezivela eMpuma**”

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	<p>Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS</p>
2.	<p>Qokelela ezi zixhobo zilandelayo ukuze uqiniseke ukuba usilungele isifundo:</p> <ul style="list-style-type: none"> • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neependulo, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela • ICatechism nakwiCatechism kwimiBuzo neMpendulo (ngokukhethekileyo kwisiqinisekiso) <p>Qaphela:</p> <p>2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa.</p> <p>2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45.</p> <p>2.3: Isifundo seseklasu ngaye (Pre-SS, SS1, R11 okanye Isiqinisekiso).</p> <p>2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.</p>
3.	<p>Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.</p>



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubekeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amanqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiKolo sabaNcinane.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).
4. Nxibelelana kunye nomphathi webandla wesikolo seCawa okanye utitshala.



Isifundo

Isihloko seSifundo	Izilumko ezivela eMpuma
Umbhalo weBhayibhile	Mateyu 2: 1-12
Injongo yesifundo	Abantwana bafunda ukuba uThixo, uBawo wethu waseZulwini, uyakusibonisa indlela eya kuYesu Krestu.

Isishwankathelo sesifundo:

- Emva kokuzalwa kukaYesu, amadoda azizilumko avela empuma athabatha uhambo oluya kude kakhulu eYerusalem.
- Abona inkwenkwezi ekhethekileyo esibhakabhakeni aza ayilandela.
- Kubo, le nkwenkwezi ikhethekileyo ibiluphawu lokuba uzelwe uKumkani omtsha.
- Amadoda azizilumko aya kukangela uKumkani omtsha kwibhotwe likaKumkani uHerode, omkhulu, kuba ayefuna ukukhonza uKumkani omtsha.
- UHerode, nangona kunjalo, wayengazi nto ngoKumkani omtsha kwaye oku kwamenza waba nomsindo
- Ababingeleli abaziintloko beNkosi uHerode kunye nabafundisi boMthetho bajonga kwiziprofeto zakudala (uthekelelo lwekamva), baza bafumanisa ukuba inkokeli entsha iza kuza ivela kwisixeko saseBhetelehem.
- Amadoda azizilumko ngoko athunyelwa eBhetelehem ngomyalelo wokuba kufuneka axelele uHerode ukuba angamfumana phi na umntwana, ukuze amnqule. Oku kwakungeyonyani, wayefuna ukulimaza usana olunguYesu.
- Amadoda azizilumko aqhubeka elandela inkwenkwezi ekhethekileyo ukuya eBhetelehem aza alufumana usana olunguYesu emkhombeni.
- Amnqula, amnika izipho zegolide, intlaka emhlophe (isiqholo esixabiso likhulu) kunye nemore (isiqholo esixabisekileyo).
- Abuyela kwilizwe lakowabo ngenye indlela, sukela kuba uThixo wayewalumkisile ephupheni ukuba bangabuyeli kuHerode.

Sithetha ukuthini esi sifundo kuthi namhlanje?



- UThixo uyasikhokela kwaye uyakusoloko esibonisa indlela elungileyo.
- UThixo uyasithanda kwaye uyakusoloko ebakhusela abantwana baKhe.
- UThixo uyalawula kwaye kufuneka sisoloko sikholwa kwaye simthembe.

Eminye imibuzo esinokuyibuza:

1. Aye ivela phi amadoda azizilumko?

Impendulo: EMpuma

2. Yintoni eyakhokelela amadoda azizilumko kuYesu?

Impendulo: Ynkwenkwezi ekhethekileyo esibhakabhakeni

3. Wazalelwa phi uYesu?

Impendulo: EBhetelehem

4. Ingaba amadoda azizilumko abuyela kuKumkani uHerode ukuya kumxelela ukuba uphi uYesu?

Impendulo: Hayi, uThixo walumkisa ukuba angabuyeli kuye endaweni yoko abuyele ekhaya ngenye indlela

Umthandazo kaTata noMama wokuthandaza ngaphambi kwesifundo:

Bawo othandekayo osezulwini, enkosi ngolunye usuko kwanothando nobubele baKhe.

Nceda usikelele umama notata wam uze usikelele iinkokhelo zethu kwakunye nazo zonke izihlobo neentsapho zethu.

Siyakuthandaza ukuba sisoloko sikuxabisile nokuba sibathobe abazali bethu.

Sisikelele ukuze sibe nobubele nothando nokuba sibaphathe bonke abantu esidibana nabo ngentlonipho nobubele.

Sikelela esi sifundo sesiKolo seCala kwaye siyakubulela ngokusenyula ukuba sibe ngabantwana baKho.

Sincede ukuze sihlale sithembakele kwaye sithobekile kuWe ude ubuye ukusithabathela eKhaya kunye naWe.

Sikucela konke oku egameni elihle. Amen



Umthandazo emva kwesifundo

Bawo othandekayo osezulwini, enkosi ngokusigcina sikhuselekile nokusivumela ukuba sibe nelinye ibali elimndandi leBhayibhile. Enkosi ngenkuseleko nokusigcina sikhuselekile nakweyiphipina ingozi. Nceda usincede ukuze sisoloko sithobele oomama nootata bethu kwaye sibe nobubele kumntu wonke esidibana naye. Siyakucela usincede ngomsebenzi wesikolo.

Sikelela iNtloko yethu yabaPostile, abaPostile nazo zonke iinkokheli. Nceda uzigcine zikhuselekile xa zikwihambo ukuze zibenako ukusifundisa ngakumbi ngomsebenzi waKho omkhulu, Thixo.

Siyakucela ukuba uncede bonke abantwana baKho, ngokukhethekileyo abo bagulayo bengenayo into edliwayo okanye indawo yokuzifihla. Nceda uze kamsinya usithabathele sonke ekhaya.

Sikucela konke oku, kungekuba sikusebenzele, kodwa egameni likaYesu. Amen.